

**Uunga siunnersuut: Qarasaasiakkut akiliisitsisarnerup aqunneqarnera pillugu Inatsisartut inatsisaat nr. xx, xx. xxx 2017-imeersoq.**

§ 1. Naalackersuisut kommuninik isumaqatiginninniareerlutik qarasaasiakkut akiliisitsisarnermi pisortani oqartussaasut maleruagassanik atuinissaat pillugu aalajangersaasinnaapput.

*Imm. 2.* Digitalikkut akiliisitsisarnerup aqunneranut ilaapput qarasaasiakkut inniminniinerit aamma suleriaatsit periutsillu pisortanut pisortaniillu aningaasanut akiliutigineqartunut tunniunneqartunullu attuumassutillit.

*Imm. 3.* Naalackersuisut suliffeqarfiit namminersortitat qarasaasiakkut akiliisitsisarnerup aqunneqarnera pillugu maleruagassanut ilaatinneqarnissaat pillugu maleruagassanik aalajangersaasinnaapput.

§ 2. Naalackersuisut suliffeqarfiit namminersortitat qarasaasiakkut akiliisitsisarnerup aqunneqarnera pillugu maleruagassanut ilaatinneqarnissaat pillugu maleruagassanik aalajangersaasinnaapput imaattoqarsimappat:

- 1) suliffeqarfik imminut pigisoq aningaasaliissutinut inatsimmut ilanngunneqarsimassasoq, imaluunniit
- 2) suliffeqarfik imminut pigisoq Naalackersuisunik kommunimilluunniit ingerlatsinermut isumaqatigiissusiorsimappat.

*Imm. 2.* Peqatigiiffiit aningaasaateqarfiillu qarasaasiakkut akiliisitsisarnerup aqunneqarnera pillugu maleruagassanut ilanngunneqarnissaat pillugu maleruagassanik Naalackersuisut aalajangersaasinnaapput imaattoqarsimappat:

- 1) suliffeqarfiup imminut pigisup aningaasartuutai imaluunniit naatsorsuutitigut amigartoorutai nunatta karsia aqutigalugu imaluunniit tapitigut, akitsuutitigut allutulluunniit inatsit naapertorlugu isertitatigut akilerneqarsimappata, imaluunniit
- 2) suliffeqarfik imminut pigisoq aningaasanik aallarniutissanik, tapiissutinik, taarsigassarsianik, qularnaveequsiissutinik allatulluunniit tapiinernik Namminersorlutik Oqartussanit tunineqarsimappat.

*Imm. 3.* Naalackersuisut immikkorluinnaq pisoqarsimatillugu suliffeqarfiit imminut pigisut, peqatigiiffiit aningaasaateqarfiillu imm. 1 aamma 2-mi taaneqartut qarasaasiakkut akiliisitsisarnerup aqunneqarnera pillugu maleruagassanut ilaatinnginnissaat aalajangiiffigisinnaavaat.

§ 3. Naalackersuisut immikkorluinnaq pisoqarsimatillugu suliffeqarfiit namminersortut pisortani oqartussaasunut allanullu §§ 1 aamma 2-mut ilaasunut akiligassiinermikkut qarasaasiakkut aaqqiissutissanik atuinissamik pisussaaffilinngitsoorsinnaavaat.

§ 4. Inatsisartut inatsisaat ulloq 1. januar 2018 atuutilissaaq.

*Namminersorlutik Oqartussat, ulloq xx. xx 2017*

**Kim Kielsen**